



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Martini Bonacinæ Vtrivsque Signatvræ Referendarii
Compendium Omnim Operum de Theologia Morali,
omnibusque conscientiæ nodis**

Bonacina, Martino

Coloniæ Agrippinæ

Excommunicatio minor.

urn:nbn:de:hbz:466:1-41152

posse accusare; nisi hoc faciat ex necessitate, nec posse alium convenire, vel reconvenire in judicio; potest tamen se defendere, & appellare à sententia contra se lata; & quamvis non possit agere in judicio, potest tamen dum rationabiliter dubitat de fuga debitoris eum coram judge convenire, ne detrimentum patiatur, quia in hoc casu videtur se tantum defendere. *Ibid. num. 5. & seq.*

53. Valida sunt gesta in judicio per actorem excommunicatum vitandum, quando à judice, aut adversario fuit reje-
ctus, & ei opposita excommunicatio; quia jūs non irritat ipsius gesta, quamvis prohibeat agere. Imo non videtur mortaliter peccare, ratione parvitatis materiæ. *Ibid. n. 10. & 11.*

54. Excommunicatus toleratus licet potest ferre testi-
monium, cum actus testandi ex natura sua vergat in favo-
rem illius pro quo præstatur. Imo validum quoque est testi-
monium excommunicati vitandi, non solum in judicio, sed
etiam in testamentis, contractibus & instrumentis: ei tamen
non licet officium Abvocati, vel Procuratoris exercere,
quamquam illius acta sunt valida, nec tenetur ad restitu-
tionem pretii accepti, cum à nullo jure irritentur; hinc ma-
trimonium celebratum à Procuratore excommunicato no-
mine alterius, validum est. Idem dic de tutoribus, & aliis
aſſumentibus adininiſtrationem temporalem. *Ibid. num. 12.*
& seq.

55. Excommunicatio irritat, & annullat litteras & re-
scripta Apostolica & processus virtute illorum habitos, ex-
cepto casu seu articulo excommunicationis & appellationis
Ibid. punct. ult. n. 1.

56. Excommunicatus perseverans in excommunicatio-
ne per annum, suspectus evadit de hæresi; consequenter
contra ipsum tamquam de hæresi suspectum procedi potest
ex Tridentino *ſeff. 25 cap. 5* præsumitur enim male sentire;
tam de potestate Ecclesiæ, cum non curet de censuris ab ip-
sa lati, quam de sacramentis, cum illa non suscipiat fin gu-
lis annis, juxta præceptum Ecclesiæ. *Ibid. num. 4.*

Excommunicatio minor.

57. Excommunicatio minor incurritur participando in
rebus prohibitis cum excommunicato vitando, non solùm
vivente, sed etiam mortuo, ut si quis lavet cadaver affecti
Q majori

majori excommunicatione. *Ibid. quest. 3. numer. 2.*

58. Excommunicatio minor privat non solum directa passiva sacramentorum participatione, sed etiam electione præsentatione, & collatione beneficij & Ecclesiastice dignitatis, ita ut excommunicatus minori excommunicatione non possit licet eligi, vel præsentari ad beneficia, quamvis electio & præsentatio valida sit. Unde colligitur ligatio minori excommunicatione posse cum aliis fidelibus communicare absque peccato, vel excommunicatione. Ita posse divinis officiis interessere, frui suffragiis, &c. & potest absolvere alios a censuris, & a peccatis, & actus jurisdictionis exercere *Ibid. n. 3. 6. & seq.*

59. Ab excommunicatione minori lata a jure potest tantummodo proprius Sacerdos, seu is qui habet jurisdictionem ordinariam supra excommunicatum, absolvere, non autem simplex Sacerdos aut Parochus alterius parochia. *Ibid. num. 11. & 12.*

60. Solus ergo proprius Parochus potest absolvere a minori excommunicatione, etiamsi non sit Sacerdos. Idem de Confessario, habente delegatam jurisdictionem. Imodi- cunt aliqui posse quemlibet Sacerdotem simplicem a minori excommunicatione absolvere penitentem non habentem peccatum mortale, sed contrarium probabilius est. *Ibid. n. 14. & 15.*

61. Absolutio minoris excommunicationis dari potest per verba sufficienter experientia absolutionem, nec necessariae sunt ceremoniae in absolutione aliarum censurum adhiberi solitae. Quod si penitens dubitet se in minorem excommunicationem incidisse, potest absolvi sub conditione ac forma quae communiter adhiberi solet: *Absolvo ab omni vinculo excommunicationis quantum possum, & indiges, &c. ibid. n. 16.*

Excommunicatio ob violentam manuum injectionem in clericos.

62. nomine violentae injectionis manuum intelligitur actio externa injuria, violenta, consistens in facto seu operi, & contingens personam Ecclesiasticam. *Ibid. quest. 4. punct. 1. § 1. num. 1.*

63. Non est necesse ut persona clerici immediate attinatur,